

ՀԱՄԱԳՈՐԾԱԿՑՈՒԹՅԱՆ ՀՈՒՇԱԳԻՐ

ՀՀ ՍԻՍԻԱՆ ԽՈՇՈՐԱՑՎԱԾ ՀԱՄԱՅՆՔՈՒՄ ՄԱՍՆԱԳԻՏԱԿԱՆ ԿՈՂՄՆՈՐՈՇՄԱՆ ԵՎ ԿԱՐԻԵՐԻԱՅԻ ՈՒՂՈՐԴՄԱՆ ՀԱՄԱՅՆՔԱՅԻՆ ԿԵՆՏՐՈՆԻ ՍՏԵՂԾՄԱՆ ԵՎ ԶԱՐԳԱՑՄԱՆ ԿԵՐԱԲԵՐՅԱԼ

Ք. Սիսիան

«27» Դեկտեմբեր, 2018թ.

Սիսիան համայնքի ղեկավար Արթուր Սարգսյանը և «Սիսիանի մեծահասակների կրթության կենտրոն» հիմնադրամի գործադիր տնօրեն Կարեն Հովհաննեսյանը (այսուհետև Կողմերը) համաձայնության են գալիս Սիսիան խոշորացված համայնքում Սոցիալական գործընկերության զարգացման շուրջ՝ նպաստելով համայնքում մասնագիտական կողմնորոշման և կարիերիայի ուղղորդման համայնքային կենտրոնի (այսուհետև՝ համայնքային կենտրոն) ստեղծմանն ու զարգացմանը:

1. ՆՊԱՏԱԿՆԵՐԸ

- ❖ Նպաստել Սիսիան համայնքի շահագրգիռ կողմերի միջև (քիզնես կառույցներ, կրթական հաստատություններ, ՏԻՄ, ՔՀԿ, Զբաղվածության տարածքային կենտրոն) սոցիալական գործընկերության ձևավորմանը,
- ❖ Նպաստել համայնքում մասնագիտական կողմնորոշման և կարիերիայի խորհրդատվական համակարգի արդյունավետության զարգացմանը, զբաղվածության մակարդակի բարձրացմանը, նորարարության և ձեռներեցության խթանմանը,
- ❖ Նպաստել Սիսիան համայնքում մասնագիտական կրթության և ուսուցման (ՄԿՈՒ) առաջարկի և աշխատաշուկայի (ԱՇ) պահանջարկի համապատասխանության բարելավմանը:

2. ԿՈՂՄԵՐԻ ՀԱՆՁՆԱՌՈՒԹՅՈՒՆԵՐԸ

Սիսիանի համայնքապետարանը պատրաստակամ է՝

- ❖ Աջակցել Սոցիալական գործընկերության համայնքային խորհրդի/այսուհետև՝ համայնքային խորհուրդ/ ձևավորմանը,
- ❖ Համագործակցել համայնքային խորհրդի հետ համայնքային կենտրոնի երկարաժամկետ ռազմավարության մշակման, ծրագրերի պատրաստման և իրականացման գործընթացներում
- ❖ Համայնքային բյուջեից տրամադրել ֆինանսական միջոցներ 2019թ-ին համայնքային կենտրոնի աշխատանքներն արդյունավետ կազմակերպելու համար
- ❖ Նպաստել համայնքային կենտրոնի հեղինակության բարձրացմանը տեղական և ազգային մակարդակներում:

«Սիսիանի մեծահասակների կրթության կենտրոն» հիմնադրամը պատրաստակամ է՝

- ❖ Տրամադրել գույք և սարքավորումներ համայնքային կենտրոնի աշխատանքների կազմակերպման համար,
- ❖ Զարգացնել համայնքային կենտրոնի անդամների կարողությունները,
- ❖ Տրամադրել անհրաժեշտ խորհրդատվություն համայնքային կենտրոնի գործունեության արդյունավետության բարձրացման համար,
- ❖ Ապահովել համայնքային կենտրոնի գործունեությունը,
- ❖ Ձևավորել համայնքային կենտրոնի արդյունավետ համագործակցությունը տեղական և միջազգային շահագրգիռ կառույցների հետ,
- ❖ Տրամադրել խորհրդատվական ծառայություններ (դասընթացներ, խորհրդատվություններ, քոչինգ) Սիսիանի համայնքապետարանին:

Կողմերը կարող են նաև՝

- ✓ Համատեղ իրականացնել Կողմերի ներկայացուցիչների ներքին հաղորդակցման զարգացմանն ուղղված հանդիպումներ,
- ✓ Համատեղ իրականացնել հանրային իրազեկման միջոցառումներ, այդ թվում՝ զանգվածային լրատվամիջոցներով, ուսումնասիրություններ և հետազոտություններ,
- ✓ Համագործակցել փոխադարձ հետաքրքրություն ներկայացնող այլ միջոցառումների շրջանակներում:

3. ՀԱՄԱԳՈՐԾԱԿՑՈՒԹՅԱՆ ՀԻՄՆԱԿԱՆ ՍԿԶԲՈՒՆՔՆԵՐԸ

Կողմերը պարտավոր են առաջնորդվել համագործակցության հետևյալ հիմնական սկզբունքներով՝

- ✓ փոխադարձ վստահություն,
- ✓ պատասխանատվություն,
- ✓ փոխըմբռնում և փոխգիշում,
- ✓ թափանցիկություն:

4. ԵԶՐԱՓՈՎԿԻՉ ԴՐՈՒՅՑՆԵՐ

- 4.1 Հուշագիրն ուժի մեջ է մտնում Կողմերի ստորագրման պահից և գործում է անժամկետ:
- 4.2 Սույն Հուշագրի ցանկացած փոփոխություն կատարվում է գրավոր և դառնում նրա անբաժանելի մասը:
- 4.3 Հուշագիրը կարող է դադարեցվել Կողմերից յուրաքանչյուրի նախաձեռնությամբ, մյուս Կողմին առնվազն 30 օր առաջ գրավոր տեղեկացնելու պայմանով:
- 4.4 Սույն Հուշագրի վերաբերյալ Կողմերի միջև ծագած անհամաձայնություններն ու վեճերը լուծվում են Կողմերի բանակցությունների միջոցով:
- 4.5 Սույն Հուշագիրը կնքվում է երկու բնօրինակից, հայերեն լեզվով, յուրաքանչյուր Կողմին տրվում է մեկական օրինակ:

5. ԿՈՂՄԵՐԻ ՎԱԿԵՐԱՊԱՅՄԱՆՆԵՐԸ

<p>Սիսիան համայնք</p> <p>Համայնքի ղեկավար՝ Արթուր Սարգսյան</p>  <p>Կ.Տ.</p>	<p>«Սիսիանի մեծահասակների կրթության կենտրոն» հիմնադրամ</p> <p>Տնօրեն՝ Կարեն Հովհաննեսյան</p>  <p>Կ.Տ.</p>
--	--